

ADDENDA AO CONVENIO DE COLABORACIÓN ENTRE A CONSELLERÍA DE EMPREGO, COMERCIO E EMIGRACIÓN DA XUNTA DE GALICIA E O CONCELLO DE RIBADAVIA PARA O DESENVOLVEMENTO DO PROXECTO DE DINAMIZACIÓN COMERCIAL VILAS VIVAS

En Santiago de Compostela, na data da sinatura dixital

REUNIDOS

Dunha parte, José González Vázquez, conselleiro de Emprego, Comercio e Emigración da Xunta de Galicia, nomeado para o devandito cargo polo Decreto 44/2024, do 14 de abril, actuando en exercicio das competencias que ten atribuídas polo artigo 34 da Lei 1/1983, do 22 de febreiro, de normas reguladoras da Xunta e da súa Presidencia.

Doutra, César Manuel Fernández Gil, alcalde do Concello de Ribadavia, que actúa en nome e representación do dito concello e facultado para ese outorgamento en virtude do disposto no artigo 21.1 da Lei 7/1985, do 2 de abril, reguladora das bases do réxime local.

As partes, na representación que ostentan, teñen capacidade legal para asinar este convenio de colaboración e, na súa virtude,

EXPOÑEN

Primeiro. A Consellería de Emprego, Comercio e Emigración é o órgano encargado de exercer as competencias que en materia de comercio interior o artigo 30.I.4 do Estatuto de autonomía de Galicia atribúe á nosa comunidade autónoma segundo o Decreto 42/2024, do 14 de abril, polo que se establece a estrutura orgánica da Xunta de Galicia e o Decreto 49/2024, de 22 de abril, polo que se fixa a estrutura orgánica das consellerías da Xunta de Galicia.

O Decreto 147/2024, do 20 de maio, polo que se establece a estrutura orgánica da Consellería de Emprego, Comercio e Emigración dispón que lle corresponde á Dirección Xeral de Comercio e Consumo a planificación, a coordinación e o control das competencias da consellería en materia de comercio interior. Dentro destas cabe sinalar, especificamente, a promoción, o fomento, a modernización e o desenvolvemento do comercio, a programación e xestión de axudas destinadas a estes fins e o impulso do asociacionismo comercial e da asistencia técnica comercial en colaboración con outras institucións e entidades.

Segundo. O Concello de Ribadavia, en uso das competencias atribuídas polo artigo 25.1 da Lei 7/1985, de 2 de abril, reguladora das bases de réxime local e nos artigos 80 e seguintes da Lei 5/1997, de 22 de xullo, de administración local de Galicia, ten a firme vontade de colaborar no desenvolvemento do proxecto de dinamización comercial Vilas Vivas.



Terceiro. O 22 de maio de 2025 subscríbese un convenio de colaboración entre a Consellería de Emprego, Comercio e Emigración e o Concello de Ribadavia para o desenvolvemento do proxecto de dinamización comrecial Vilas Vivas, para as anualidades 2025 e 2026, por un importe total de 589.050,00 € (IVE incluído).

Cuarto. O 5 de novembro de 2025 o Concello de Ribadavia presenta ante a Dirección Xeral de Comercio e Consumo unha solicitude para a modificación do anexo I do convenio mediante a tramitación da correspondente addenda, sen que isto supoña un incremento do importe global.

Quinto. A cláusula décimo primeira do convenio de colaboración dispón que *“o Concello de Ribadavia poderá solicitar a modificación das características do proxecto subvencionado. En ningún caso a modificación poderá supoñer un incremento do importe global establecido neste convenio e deberá ser proposta pola comisión de seguimento e autorizada pola Dirección Xeral de Comercio e Consumo.*

A modificación poderase autorizar sempre que non dane dereitos de terceiros, respecte o obxecto da subvención e as actividades subvencionadas, evite actuacións deficientes e incompletas e se realice no prazo fixado neste convenio. Para a modificación non poderán ser tidos en conta requisitos ou circunstancias que, debendo concorrer no momento en que se asinou o convenio, tiveron lugar con posterioridade á súa sinatura (...)”

As devanditas modificacións deberán formalizarse a través da correspondente addenda e someterse aos requisitos previstos no artigo 35 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia e no artigo 7 do Decreto 193/2011, do 6 de outubro, polo que se regulan especialidades nas subvencións ás entidades locais galegas.

Sexto. O 6 de novembro de 2025 reúnese a comisión de seguimento de conformidade co disposto na cláusula décimo primeira do convenio. Unha vez analizada a situación e a documentación presentada, as partes intervenientes acordan a modificación do convenio de colaboración nas seguintes

CLÁUSULAS

Primeira. Modifícase o anexo I do convenio de colaboración que queda redactado como segue:

Anexo I

LOCAL	RÚA	Nº	REFERENCIA CATAS- TRAL	PREVISIÓN USO	M ²
1	BANDA DA LIRA	1 A	0622915NG7802S0001HT	TENDA ARTESAN E ACTIVIDADES	138
2	BANDA DA LIRA	1 B	0622915NG7802S0001JY	TENDA ARTESAN	32
3	BANDA DA LIRA	2	0622915NG7802S0001OT	TENDA ARTESAN E ACTIVIDADES	136
4	JUEZ VIÑAS	7	0722309NG7802S0001ET	TENDA ARTESAN E ACTIVIDADES	67



5	RODRIGUEZ MOURE	17	0722405NG7802S0001JT	TENDA VIÑOS E DEGUSTACIÓNS	63
6	PRAZA MAIOR	14	0622705NG7802S0001FT	TENDA ALIMENTACIÓN (COLMADO)	71
7	MERELLES	14	072146NG7802S0001FT	TENDA USOS MÚLTIPLES	61
8	SALGADO MOSCOSO	3	0723401NG7802S0002PY	TENDA DE VIÑOS E DEGUSTACIÓN	85
9	YAÑEZ	34	340723904NG8025S	TENDA DE VIÑOS E DEGUSTACIÓN	52
10	YAÑEZ	4	0622603NG7802S0001- GT	TENDA DE ALIMENTACIÓN	78
11	SALGADO MOSCOSO	9	0723404NG7802S0001- DT	-----	---

Escaparates:

LOCAL	RÚA	Nº	PREVISIÓN USO	M ²
1	BANDA DA LIRA	2	ESCAPARATE	5
2	BANDA DA LIRA	3	ESCAPARATE	15

Segunda. O clausulado do convenio de colaboración mantense inalterable.

E como proba de conformidade, subscríbese esta addenda de modificación do convenio de colaboración no lugar e data indicados na cabeceira.

Pola Consellería de Emprego, Comercio e
Emigración

Polo Concello de Ribadavia

José González Vázquez

César Manuel Fernández Gil

